

Projekti i Kadastrit të Pronës së Paluajtshme dhe Infrastrukturës Gjeohapësinore të Kosovës (REGIP)

Termet e Referencës për

Specialist i GIS-it për Sistemin e Adresave

(Numri Ref i Kontratës XK-KCA-377069-CS-INDV)

Qeveria e Kosovës (QK) ka marrë një Kredi nga Shoqata Ndërkombëtare për Zhvillim (IDA) në vlerë prej 14.60 milion EUR për të financuar Projektin e Kadastrit të Pronës së Paluajtshme & Infrastrukturës Gjeohapësinore, që pritet të zbatohet brenda një periudhe pesëvjeçare. Projekti i propozuar synon të ndihmojë Qeverinë e Kosovës që të rrisë transparencën dhe cilësinë e administrimit të tokës dhe të dhënave dhe shërbimeve gjeohapësinore. Agjencia Kadastrale e Kosovës (AKK) është agjencia zbatuese për projektin REGIP, brenda së cilës do të krijohet Njësia për Implementimin e Projektit (NjIP).

Komponenti C: *Teknologjia e Informacionit dhe Infrastruktura Gjeohapësinore*. Qëllimi i këtij komponentit është të mbështesë zbatimin e Strategjisë së Teknologjisë Informative të AKK-së dhe Strategjisë së Infrastrukturës Kombëtare të Informacionit Hapësinor (IKIH) në Republikën e Kosovës të cilat janë zhvilluar në kuadër të projektit për Regjistrimin e Pronës së Paluajtshme në Kadastër (RECAP). Të dy dokumentet e strategjisë tregojnë vizionin për: (a) thjeshtimin e mëtejshëm të proceseve të punës, (b) rritjen e standardizimit të informacionit dhe qasjen në informacion që do të përmirësonte efikasitetin e stafit dhe zyrave, (c) rritjen e transparencës dhe llogaridhënies; (d) qasjen e barabartë në informacion; (e) ngritjen e përdorimit të informacionit dhe shërbimeve gjeohapësinore për zhvillimin e produkteve dhe shërbimeve të reja; dhe (f) minimizimin e mundësive për praktika korruptive.

Një nga aktivitetet kryesore në kuadër të Komponentit C është kompletimi i Sistemit të Adresave në Kosovë. Ky aktivitet përfshin kompletimin e caktimit të adresave të ndërtesave, sinjalizimin e emrave të rrugëve dhe numrave të shtëpive dhe regjistrimin e të dhënave përkatëse në Regjistrin qendror të Adresave (ARIS). Ky aktivitet do të zbatohet me angazhimin e përbashkët të AKK-së dhe komunave.

Komunat, e monitoruara nga AKK, do të jenë përgjegjëse në përgjithësi për kompletimin e projektit të Sistemit të Adresave dhe do të kryejnë menaxhimin e përgjithshëm të projektit.

Për realizimin e Projektit të Kompletimit të Adresave, Njësia e Adresave në AKK duhet të forcohet me një specialist të GIS-it, i cili do të caktohet për të mbështetur kontrollin e cilësisë së aktiviteteve për Projektin e Sistemit të Adresave.

NjIP është në kërkim të një Specialist të GIS-it me orar të plotë për të ndihmuar NjIP/AKK-në në çështjet e Sistemit të Adresave në kuadër të projektit REGIP.

Objektivi i përgjithshëm

Objektivi i përgjithshëm është të mbështesë krijimin, mirëmbajtjen dhe përdorimin e një sistemi të adresave në Kosovë duke mbështetur AKK-në dhe komunat e Kosovës dhe duke siguruar qëndrueshmëri afatgjate në nivel qendror dhe komunal, bazuar në Ligjin për Sistemin e Adresave dhe Udhëzimet Administrative.

Specialisti do të jetë përgjegjës për mbështetjen e AKK-së dhe komunave në kompletimin e sistemit të adresave në përputhje me legjislacionin në fuqi. Specialisti do të punojë ngushtë me stafin përgjegjës të caktuar të AKK-së dhe komunave për të kryer digjitalizimin e të dhënave të adresave, mirëmbajtjen, sigurimin/kontrollin e cilësisë (SC/KC) të të dhënave të adresave, përfshirë rrugët, pikat e adresave, numërimi i pikave të adresave, tabelat e adresave, pikat e referencës si dhe ndërlidhjen me sistemet tjera.

Rezultatet që duhen arritur nga Specialisti i GIS-it:

- Rezultati 1: Raportet e SC/KC-së për të dhënat e mbledhura në terren nga kontraktori dhe digjitalizimi në ARIS i të dhënave të mbledhura në terren.
- Rezultati 2: Raportet e SC/KC-së për prodhimin dhe instalimin e emrave të rrugëve dhe tabelave me numrat e adresave, duke monitoruar procesin.
- Rezultati 3: Raportet e SC/KC-së për procesin e lidhjes së Sistemit të Adresave me Sistemin e Gjendjes Civile.

Detyrat specifike të Specialistit të GIS janë:

- Bashkëpunon, asiston, mbështet dhe këshillon Njësinë së Adresave të AKK-së dhe komunat në implementimin e sistemit të adresave;
- Monitoron procesin e mbledhjes së të dhënave të adresave në terren;
- Siguron SC/KC së të dhënave të adresave të mbledhura në terren nga kontraktori i angazhuar;
- Vlerëson cilësinë e të dhënave (plotësinë, saktësinë, konsistencën, vlefshmërinë dhe integritetin) e të dhënave të marra nga palët e treta për kompletimin e sistemit të adresave
- Përgatit raporte e SC/KC-së për të dhënat e adresave të mbledhura në terren nga kontraktori;
- Asiston komunat në digjitalizimin e të dhënave të adresave në Sistemin Informativ të Regjistrimit të Adresave (ARIS) të mbledhura në terren nga kontraktori në përputhje me Ligjin dhe Udhëzimet Administrative dhe metodologjinë e aplikueshme;
- Mbështet AKK-në dhe komunat në digjitalizimin dhe analizën hapësinore;

- Me mbështetjen e Bankës Botërore, AKK-së dhe komunave, zhvillon një metodologji për digjitalizimin dhe ruajtjen e të dhënave të tabelave të adresave adresës në mënyrën më efikase;
- Asiston komnatat në digjitalizimin e tabelave të rrugëve në ARIS në përputhje me Udhëzimet Administrative dhe metodologjinë e aplikueshme;
- Përgatit e një harte me tabelat e rrugëve për secilën komunë në format digjital dhe mbështet AKK-në dhe komnatat në printimin e hartave të kërkuara;
- Asiston AKK-në dhe komnatat në përgatitjen e hartave dhe listave të detajuara të tabelave të adresave për prokurimin e tabelave të adresave;
- Monitoron procesin për prodhimin dhe instalimin e emrave të rrugëve dhe tabelave me numrat e adresave në terren.
- Monitoron procesin e lidhjes së Sistemit të Adresave me Sistemin e Gjendjes Civile;
- Merr pjesë në trajnime të ndryshme për ngritjen e kapaciteteve profesionale;
- I raporton Drejtorit të Kadastrit/Drejtoria e Gjeoinformacionit dhe përgjigjet në kërkesat ad-hoc nga AKK/Njësia e Adresave për informacion shtesë;
- Kryen çdo detyrë tjetër të kërkuar nga Drejtori Ekzekutiv i AKK-së, Drejtori i Kadastrit/Drejtoria e Gjeoinformacionit të AKK-së dhe Koordinatorit i NjIP-it.

Specialisti i GIS-it

Kualifikimet dhe përvoja e nevojshme

- Diplomë universitare në gjeodezi ose fusha të ndërlidhura;
- Minimumi 2 vite përvojë pune në përdorimin e Sistemeve të Informacionit Gjeografik.
- Përvoja e punës me Sistemin Informativ të Regjistrimit të Adresave do të ishte një përparësi e shtuar;
- Njohuri dhe përvojë në përdorimin e softuerit kompjuterik të GIS-it (GeoMedia, ArcGIS, QGIS, apo të ngjashme);
- Njohuritë dhe përvoja me WebGIS do të ishte një përparësi e shtuar;
- Kërkohen aftësi të shkëlqyera në Microsoft Word, Excel dhe Power Point;
- Njohuritë, aftësitë dhe përvoja në projekte të financuara nga organizatat ndërkombëtare do të jenë një përparësi e shtuar;

Kompetencat dhe aftësitë e kërkuara

- Aftësi për të komunikuar dhe shkruar raporte në gjuhën angleze dhe shqipe; Njohja e gjuhës serbe do të ishte përparësi;
- Të jetë i organizuar mirë dhe i aftë për të mësuar shpejt sistemet dhe procedurat komplekse;
- Aftësi për të punuar në mënyrë të pavarur dhe efektive në mjedis ekipor;

- Aftësi për të punuar në mënyrë efektive me mbikëqyrje minimale dhe vëmendje të kujdesshme ndaj detajeve;
- Aftësi për të marrë iniciativë, për të caktuar prioritetet dhe për të koordinuar punën, për të përballuar presionin në arritjen e afateve strikte dhe orar të gjatë.;
- Aftësi për të punuar në një mjedis pune të shumëllojshëm multietnik dhe multikulturor;

Periudha e performancës

Specialisti i GIS-it do të punojë me orar të plotë dhe kohëzgjatja e kontratës pritet të jetë në gusht të vitit 2024. Kohëzgjatja e kontratës do t'i nënshtrohet performancës së kënaqshme të rënë dakord gjatë vlerësimit zyrtar të planifikuar në fund të çdo viti. Pagesa do të kryhet në bazë të tarifës mujore të rënë dakord në kontratë. Konsulenti pritet të fillojë shërbimet me nënshkrimin e kontratës.

Raportimi

Specialisti i GIS-it do t'i raportojë Drejtorit të Kadastrit/Drejtoria e Gjeoinformacionit të AKK-së dhe do të dorëzojë raportin e vijueshmërisë në punë për të llogaritur ditët aktuale të punës gjatë muajit kalendarik.

Procesi i përzgjedhjes

Individët me përvojë dhe të kualifikuar do të përzgjidhen sipas dispozitave të Rregulloreve të Prokurimit të Bankës Botërore për Huamarrësit e Financimit të Projekteve Investuese (FPI), korrik 2016, bazuar në thirrjen e hapur.

Agjencia Kadastrale e Kosovës është e përkushtuar ndaj parimeve të mundësive të barabarta të punësimit dhe po ashtu është e përkushtuar që të marrë vendime për punësim në bazë të meritave. Jemi të përkushtuar të zbatojmë ligjet e shtetit që ofrojnë mundësi të barabarta punësimi, si dhe të gjitha ligjet që kanë të bëjnë me kushtet e punësimit. Agjencia dëshiron të mbajë një mjedis pune pa ngacmime seksuale dhe pa diskriminim në bazë të racës, fesë, ngjyrës, origjinës kombëtare, orientimit seksual, aftësive të kufizuara fizike dhe mendore, statusit martesor, moshës ose ndonjë kushti tjetër të mbrojtur nga ligjet e shtetit.